



# SUATEA



COMUNICÁU DE PRENSA - EDUCACIÓN

---

## SO LA PUESTA EN MARCHA DEL PLAN D'EVALUACIÓN

Nel BOPA del sábadu 26 de febreru apaéz el Reglamentu pol que se regulen los planes d'evaluación docente “como desenvolvimientu de la Llei del Principáu d'Asturies 6/2009 de 29 d'avientu d'Evaluación de la Función Docente y los sos Incentivos, darréu, el 16-3-11, publicóse'l Plan d'Evaluación, que señala l'entamu del procesu d'evaluación docente”.

SUATEA caltien la so oposición a dichu Plan, llevamos cuatro años esplicando al profesoráu y a la opinión pública les razones de la nuesa oposición y ante la insistencia del Conseyeru d'Educación en qu'espliquemos (rueda de prensa del pasáu sábadu 19 de marzu), repitimos les nuses razones:

Les trés disposiciones tienen el so orixe en resolvimientos invalidaos por diverses sentencies declaraes firmes, que la so execución foi yá solicitada, de la que tán pindies del pronunciamientu, en curtiu, del Tribunal Constitucional. Son el desenvolvimientu d'una llei creada "ad hoc" precisamente pa refugar les consecuencias de les citaes sentencies xudiciales, bien contestada per una parte bien importante del profesoráu de la Educación Pública asturiana:

- Por discriminatoria. Torga los pagos retroactivos del complementu salarial, dende'l 1 de xineru de 2007, a toos aquellos que nun se xuntaron nel so momentu a la declarada nula y nun afecha a derechu (resolvimientu 18-V-2007). En realidá lo que llamen “evaluación docente” nun ye más que'l mazcaritu, apenes azorronáu de la evaluación del desempeñu qu'esta Comunidá Autónoma nun puede desenvolver en tantu escareza de normativa básica estatal (estatutu docente).
- Por aplicase a esti primer procesu ensin que se conozan los criterios de los próximos años, anque sí se explicita que tolos años va haber evaluaciones. Los que se xunten a esti sistema atoparán ante nuevos “cheques en blancu”.
- Por nun consolidase nunca esi llamáu “incentivu d'evaluación llográu tres la superación de la evaluación, yá que ta suxetu cada añu a nubes “evaluaciones”, ente que los complementos salariales esistentes n'otres CCAA, llograos tres negociación colectiva y con calter llineal, sí se consoliden.
- Por suponer un nuevu modelu de relaciones llaborales que sustitúi negociación colectiva por compromisu individual y dependencia salarial de les direcciones de los centros, que pueden evaluar positiva o negativamente, determinando una parte de les

nueses retribuciones; esto ye, pásase del alcuertu y la collaboración a la rivalidá y la sumisión, col consiguiente empeoramientu de les condiciones de trabayu y la calidá del serviciu públicu.

- Por pretender castigar a quien s'opunxeron al plan dende'l principiu por consideralo inaceptable ya indignu.
- Por pretender pagar los servicios emprestaos a dos sindicatos que collaboraron nesto cola alministración, hipotecando de camín el futuru de les condiciones llaborales del profesoráu.
- Por suponer el descreitu de la función docente y la más absoluta falta de respetu al llabor del profesoráu. Evaluar, a efectos de dar una remuneración “extra” a aquellos funciones básiques inherentes a la función docente ye lo mesmo que dar per sentáu que davezu nun se cumplen.

Amás, el Plan, na cuantificación del incentivu económicu, amplía les diferencies salariales ente cuerpos en 74€ mensuales. Pero, sobremanera, apurre a l'Alministración una arma que puede utilizar como quiera nel futuru, contra les condiciones llaboral y salarial de los docentes.

Somos conscientes del chantaxe económicu a que se somete a tol profesoráu, como fai 4 años en víspores eleutorales. Pero'l nuesu deber sigue siendo dici-y la verdá al profesoráu y tratar d'evitalo.

Por tou ello:

- **Vamos Cumplir cola nuesa obligación sindical d'oponenos, pela vía xudicial y de la movilización a esta evaluación.**
- **Esiximos que los 18,5 millones d'euros destinaos a la evaluación destinar a compensar, en parte, los retayos salariales que sufrimos, por aciu la so repartida llineal ente tol profesoráu.**
- **Esiximos la homologación retributiva col restu de Comunidaes Autónomes, ensin les pesaes contraparties que supon l'incentivu”.**

Uviéu, 22 de marzu de 2011

SECRETARIÁU D'ASTURIES DE SUATEA

**SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES**

C/ Telesforo Cuevas 2, 1<sup>u</sup> A dcha. -33005 Uviéu. Tfno. 985 274 343. Fax. 985 236 464. E-mail: [suatea@suatea.org](mailto:suatea@suatea.org) Web: [www.suatea.org](http://www.suatea.org)